

欽定後漢書

卷之三
三十四

後漢書卷三十三

梁

剡

令劉

昭補并注

郡國志第二十三

郡國五

益州

漢中 巴郡 越雋

廣漢 蜀郡 益州 永昌

犍爲

廣漢屬國 犍爲屬國

蜀郡屬國

涼州

隴西 漢陽 武威

武都 金城 安定 張掖 酒泉 敦煌

張掖屬國 張掖居延屬國

并州

上黨 太原 定襄

上郡 西河 五原 鴈門 朔方

幽州

雲中 廣陽 代郡

遼東 遼西 上谷 漁陽 玄菟

樂浪
遼東屬國

交州

南海
九真
日南

鬱林

合浦

交趾

漢中郡

秦置雒陽西千九百九十里

九城戶五萬七千三百四十四

口二十六萬七千四百二

南鄭

華陽國志曰有池水從旱山來

成

固嬀墟在西北

前書曰在西城帝王世紀亦云姚墟在西北有舜祠

西城

巴漢志云

漢末以爲西城郡

褒中

華陽國志曰有唐公防祠

沔陽有鐵

華陽國志曰有定軍

山博物記曰縣北有丙穴巴漢志曰縣有度水水有二原一曰清檢一曰濁檢

安陽

錫有

錫春秋時曰錫穴

左傳文十一年楚伐麇至于錫穴

上庸本庸國

房陵

巴漢志曰建安十三年別屬新城郡有維山維水所出東入瀘

巴郡

秦置雒陽西三百里譙周巴記曰初平六年趙頴分巴爲二郡欲得巴舊名故郡以墊江爲治

安漢以下爲永寧郡建安六年劉璋分巴以永寧爲巴東郡以墊江爲巴西郡蜀都賦注云銅梁山在巴東干寶搜神記曰有澤水民謂神龍不可鳴鼓其傍卽十四使大雨蜀都賦曰潛龍蟠於沮澤應鳴鼓而興雨

城戶三十一萬六千九百八十八萬六千四十九

江州

杜預曰巴國也有塗山禹娶塗山華陽國志曰帝禹之廟銘存焉有清水穴巴人以此爲粉則膏澤

鮮芳貢粉京師乃因名粉水

宕渠有鐵

胸忍

巴漢志曰山有大小石城勢者

閬中

案本傳有俞木巴漢志曰有彭池大澤名山靈臺見孔子內讖

魚復

古庸國左傳文十年

魚人逐楚師是也

扞水有扞關

史記曰楚肅王爲扞關以拒蜀

臨江

枳史記

蘇代曰楚得枳而國亡華陽國志有明月峽廣德興者是也

涪陵出丹

巴記曰靈帝分涪陵

置永寧縣巴漢志曰涪陵巴郡之南鄙從枳南入折丹涪陵水與楚商於之地接漢時赤田軍常取其民

墊江

安漢

平都

巴記曰和帝分枳置

充國永元二年分閬

中置

巴記曰初平四年復分爲南充國縣

宣漢

巴漢記曰和帝分宕渠之東置

漢昌

永元中置

巴記曰分宕渠之北而置也

廣漢郡

高帝置雒陽西三千里

十一城戶十三萬九千八百六十

五口五十萬九千四百三十八

雒州刺史治新都

華陽國志曰有金堂山水通巴漢

縣竹

地道記曰有紫巖山縣水之所出焉

什邡

涪

巴漢志曰屏山水出屏山

梓潼

地道記五婦山馳水出建安二十二年劉備以爲郡

白

水

山海經曰白水出蜀而東南入江郭璞曰今在縣

葭萌

華陽國志有水通于漢川有金銀鑛

民洗取之

郫

廣漢有沈水

德陽

華陽國志曰有劔閣道三十里至險

蜀郡

秦置雒陽西三千一百里

十一城戶三十萬四百五十二口百

三十五萬四百七十六

成都

蜀都賦注曰武帝元鼎二年立成都郭十八門

郫江原繁

廣都

任豫益州記曰縣有望川源鑿石二十里引取郫江水灌廣都

田云後漢所穿鑿者

臨邛

博物記曰有火井深二三丈在縣南百里以竹木投取火後人以火燭投

井中火即滅絕不復然蜀都賦注曰火井欲出其火先以家火投之須臾許隆隆如雷聲爛然通天光耀十里以竹筒盛之接其光而無炭也取井火還煮井水一斛水得四五斗鹽家火煮之不過二三斗鹽耳

有鐵

湔氏道

蜀王本紀曰縣前有兩石對如闕號曰彭門

岷山在西徼外

山海經曰

岷山江水出焉東北注于海中多良龜其上多金玉其下多白珉其獸多犀象麋郭璞曰今蜀山中有大牛重數千斤曰夔蜀都賦注曰岷山特多藥其椒特多好者絕異于天下之好者

汶江道

華陽國志

日滅水馳水出焉多冰寒盛夏凝凍不釋孝安延光三年復立之以爲郡

八陵

廣柔

帝王

世紀曰禹生石紐縣有石紐邑華陽國志曰夷人營其地方百里不敢居牧有過逃其野中不敢追云畏禹神能藏三年爲人所得則共原之云禹神靈祐之

縣虎道

華陽國志曰有玉壘山出璧玉湔水所出

犍為郡

武帝置雒陽西三千二百七十里劉璋分立江陽郡

九城戶十三萬七千

七百一十三口四十一萬一千三百七十八

武陽有

彭亡聚

岑彭死處南中志曰縣南二十里彭望山益州記曰縣有王喬仙處王喬祠今在縣下有彭祖

冢上有彭祖祠

資中

牛鞞

南安

蜀都賦注曰縣之南有五岷山一山而五里在

越嶲界

有魚泣津

蜀都賦注曰魚符津數百步在縣北三十里縣臨大江岸便山嶺相連經益州

郡有道廣四五丈深或百丈斬鑿之跡今存昔唐蒙所造博物記縣西百里有牙門山華陽國志曰縣西有熊

耳峽南有峨眉山去縣八十餘里

樊道

華陽國志曰治馬湖江會水通越嶲舊本有樊人有荔枝

薑蒟有玉岳蘭李冰燒之崖有五色赤白映水玄黃魚從楚來至此而止畏崖映其水故也

江陽

華陽國志曰江維會有方蘭祀江中有大關小關蜀都賦注云沱潛既道從縣南流至漢嘉縣入大穴中通剛

山下因南潛出今名復出水是也

荷節

南廣

漢安

牂牁郡

武帝置雒陽西五千七百里

十六城戶三萬一千五百二十

三口二十六萬七千二百五十三

故且蘭

地道記曰有沈水

平夷 覽

地道記曰不狼山覽水所出

毋斂

談指出丹

南中志曰

有不津江江有瘴氣

夜郎出雄黃雌黃

案本傳有竹王三郎祠

同竝

談橐

漏江

毋單

宛溫

南中志曰縣北三百里有盤江廣數百步深十餘丈

此江有毒氣

鍾封

華陽國志曰有溫水

漏臥

句町

案本傳有桄榔木地道記

有文衆水

進乘

西隨

地道記曰麋水西受微外東至麓冷入尚龍谿

越雋郡

武帝置雒陽西四千八百里

十四城戶十三萬一百二十口

六十二萬二千四百一十八

邛都南山出銅

南中志曰縣東

南數里有水名邛廣都河從廣二十里深百餘丈有魚長一二丈頭特大遙視如戴鐵釜狀華陽國志曰河有

奉雋山又有溫水穴冬夏常熱

遂久

華陽國志曰有繩水廣志曰有縹碧石有綠碧

靈關

道

華陽國志曰有銅山又有利慈

臺登出鐵

華陽國志曰有孫水一曰白沙江山有磐火燒

鐵成

青蛉有禺同山俗謂有金馬碧雞

華陽國志曰有鹽官濮水出

卑水

華陽國志曰水通馬湖

三縫

華陽國志曰通道寧州度瀘得蛉縣有長谷石時坪

中有石豬子母數千頭長老傳言夷昔牧豬于此一朝豬化為石迄今夷不敢往牧

會無出鐵

郭璞曰山海經稱縣東山出碧亦玉類華陽國志曰故濮人邑也今有濮人豕豕不閉戶其中多珠人不可取

取之不祥有元馬河元馬曰行千里縣有元馬祠民居家馬牧山下或產駿駒云元馬子也今其有元馬逕厥

迹存焉河中有銅船今在祠以羊可取也

定祚

華陽國志

縣在郡西度瀘水賓岡徽白摩沙夷有鹽坑積薪以齊水灌而後焚之成白鹽漢末夷等皆飼之

闡

華陽國志曰故邛人邑治邛都城

蘇示

大祚

祚秦

姑復

地道記鹽

池澤
在南

益州郡

武帝置故滇王國雒陽西五千六百里諸葛亮表有耽文山澤山司彌瘞山婁山辟龍山此等

並皆未詳
所在縣

十七城戶二萬九千三十六口十一萬八百

二 滇池出鐵有池澤

澤在縣西見前書南中志曰池周二百五十里

北有黑

水祠

華陽國志曰水是溫泉又有白蠟山淮有蠟

勝休

南中志曰有大河從廣百四十里深

數十丈地道記曰水東至母掇入橋水

俞元裴山出銅

華陽國志在河中洲上

律高石室山出錫監町山出銀鉛 賁古采山出銅錫

前書曰在縣北

羊山出銀鉛

在縣西地道記曰南烏山出錫

母掇

地道記曰有橋水出

橋山

建伶

穀昌

牧靡

李奇曰靡音麻出升麻

味

昆澤

同瀨

地道記曰銅虜山米水所出

同勞

雙栢出銀

連然

枏

棟

地道記連山無血水所出

秦臧

永昌郡

明帝永平二年分益州置維陽西七千二百六十里廣志曰永昌一郡見龍之耀日月相屬

八城戶二十三萬一千八百九十七口百八十九萬七

千三百四十四 不韋出鐵

華陽國志曰孝武置不韋縣徙南越相呂嘉子孫宗

族居之因名不韋以章其先人之惡

嶺唐

本西南夷史記曰古爲嶺昆

州西部都尉治嶺唐鎮尉哀牢人櫟榆蠻夷華陽國志曰有同水從徼外來

比蘇

櫟榆

有河廣志曰有弔鳥山縣西北八十里在阜山衆鳥千百羣共會鳴呼啁嘶每歲七月八月晦望至集六日則

止歲凡六至雉雀來弔特悲其方人夜然火伺取無噉不食者以爲義鳥則不取也俗言鳳凰死于此山故衆

鳥來弔地道記有澤在縣東

邪龍

雲南

南中志曰縣西高山相連有大泉水周旋萬步

名馮河縣西北百數十里有山衆山之中特高大狀如扶風太一鬱然高峻與雲氣相連結因視之不見其山

固陰沍寒雖五月盛暑不
熱廣志曰五月霜雪皓然

哀牢永平中置故牢王國

博南永平中置南界出金

華陽國志曰西山高三十里越得蘭滄水有金沙洗

取融爲金有光珠穴廣志曰有虎鬼生地中其上及傍不生草深者四五八九尺大者如斛削去外中成虎鬼如升初如桃膠疑堅成也

廣漢屬國都尉

故北部都尉屬蜀郡安帝時以爲屬國都尉別領三城

戶三萬七

千一百一十口二十萬五千六百五十二

陰平道

甸氏道

華陽國志曰有白水出徼外入漢

剛氏道

華陽國志曰涪水所出有金銀鑛

蜀郡屬國

故屬西部都尉延光元年以爲屬國都尉別領四城

戶十一萬一千五

百六十八口四十七萬五千六百二十九

漢嘉故青

衣陽嘉二年改有蒙山

華陽國志曰有洙水從邛來出岷江又從岷山西來入江合郡

下青衣江入大江土地多山蜀都賦曰

嚴道有邛棘

九折坂者邛刻置

山海經曰岷山江水流焉郭璞曰中

嶺若棟入渡之難楊母閣之峻昔楊氏倡造作閣故名

折乃至山上凝水夏結冬則劇寒王陽行步至此退

旄牛

華陽國志曰旄地也在邛岷山表邛人自蜀入度

名洲

犍爲屬國

故郡南部都尉永初元年

戶七千九百三十

八口三萬七千一百八十七

朱提

南中志曰縣有大

西南二里有堂狼山多毒草盛夏之月飛鳥過之不能

得去蜀都賦注曰有靈池在縣南數十里周四十七里

山出銀銅案前書朱提銀重以八兩爲一流直一千五

百八十他銀一流直一千南中志曰舊有銀

窟數處諸葛亮書云漢嘉金

漢陽

右益州刺史部郡國十二縣道一百一十八

本梁州袁

山松書曰建安二十年復置漢寧郡漢中之安陽西城郡分錫上庸爲上庸郡置都尉

隴西郡

秦置雒陽西二十里

十一城戶五千六百二十八口

二萬九千六百三十七

狄道

安故

氏道養水出

此

巴漢志曰漢水二源東源出縣之養山名養南都賦注曰漢水源出隴西經武都至武關山歷南陽界出

沔口入江巴漢志曰西漢隴西嶓冢山會白水經葭萌入漢始源曰沔故曰漢沔

首陽有鳥

鼠同穴山

爾雅曰其鳥爲鴝其鼠爲鼯如人家鼠而短尾鴝似鴝而小黃黑色穴地入三四尺鼠在

內鳥在外孔安國尚書傳曰共爲雌雄張氏地理記云不爲牝牡山海經曰山多白虎白玉

渭水出

地道記曰有三危三苗所處

大夏

襄武有五雞聚

臨洮有西

頃山

前志曰在縣西本傳縣馬防築索西城

枹罕故屬金城

白石故

屬金城

鄯

河關故屬金城積石山在西南河水出

漢陽郡

武帝置爲天水永平十七年更名在雒陽西二千里秦州記曰中平五年分置南安郡獻帝起

居注曰初平四年十二月已分漢陽上郡爲永陽以鄉亭爲屬縣

十三城戶二萬七千

四百二十三口十三萬一百三十八

冀

史記曰秦武公伐冀戎縣

有朱圉山

前志曰在縣南

有緄羣山有雒門聚

來歙破隗囂處

望恒

阿陽

略陽有街泉亭

街水故縣省

勇士

成紀

帝王世紀

曰包犧氏生於成紀

隴州刺史治

漢官云去雒陽二千一百里

有大坂名隴

坻

三秦記其坂九廻不知高幾許欲上者七日乃越高處可容百餘家清水四注下郭仲產秦州記曰隴山

東西百八十里登山嶺東望秦川四五百里極目然山東人行役升此而顧瞻者莫不悲思故歌曰隴頭流

水分離四下念我行役飄然曠野登高遠望涕零雙墮度汧隴無蠶桑八月乃麥五月乃凍解獮坻聚

有秦亭

秦之先封起於此

獮道

史記秦孝公西斬戎王

蘭干

平襄

顯親

上邽故屬隴西

秦州記曰縣北有利山川中平

翠茂殊常二楊樹大數十圍百姓祀之

西故屬隴西有嶓冢山西漢水

史記曰申命和仲居西土徐廣曰今之西縣鄭玄曰西在隴西西今謂之八充山

武都郡

武帝置雒陽西一千九百六十里

七城戶二萬一百二口八萬

一千七百二十八

下辨

有赤亭

武都道

華陽國志曰有大池澤

上祿

故道

千寶搜神記曰有奴特祠秦置旄頭騎起此

河池

地道記曰有泉

街

沮沔水出東狼谷

羌道

金城郡

昭帝置雒陽西二千八百里

十城戶三千八百五十八口萬

八千九百四十七

允吾

西羌傳有唐谷秦州有半北山傍有三窟

浩臺

有維都谷馬武破羌處

令居

枝楊

金城

榆中

臨羌有

昆崙山

破羌

安夷

允街

安定郡

武帝置維陽西千七百里

八城戶六千九十四口二萬九千

六十

臨涇

謝承書曰宣仲爲長史民扳留改曰宜民見李固傳而志無此改豈承之妄乎

高平有第一城

高峻所據

朝那

有湫淵方四十里停不流冬夏不增減不生草木郭

璞注山海經曰涇水出縣西丹頭山入渭

烏枝有瓦亭

牛邯軍處

山薄落谷

本傳

有龍池山地道記曰烏水出

三水

有左谷盧芳所居

陰盤

舊有陰密縣未詳所并杜

預曰安定陰密縣古密須國史記曰秦遷白起於陰密山海經曰溫水出崆峒山在臨汾南入河華陽北郭璞

曰水常溫

彭陽

鶉觚故屬北地